

Сунъгъврт белдлгънă округин хург

594-ч Элстин округ

Балгъсна „Ролна“ кино-театрт Деед Советин Келн-ăмтнă Советд депутатрин кандидат темдгллгънă сунъгъврин 594-ч Элстин округин сунъгъврт белдлгънă хург болснд кўч-кўлсчррин 500 гар элчнр Элст балгъснас болн Приютненск районас цуглрцхав.

Приютненск района 4 ч номертă совхозин ах агроном ўр Лисицынд ўг ѓгдлв. Совхозин олн зун кўдлмшчррин коллектив Келн-ăмтнă Советин депутатин кандидатд 4-ч номертă совхозин директор ўр **Алексей Трофимович Киселевиг** нег дуугъар темдглв—гидж тер сонъсхв. Цааранднь ўр Лисицын кандидатин насн туршан джиргълиннь тускар келв.

Дарунь ўг авсн, Элстин „Победа“ колхозин парторганизацин сеглăтр ўр Кудинов колхозникуд болн қолхозниц эврăннь хургтан нег дуугъар ўр **Алексей Трофимович Киселевиг** Деед Советин депутатин кандидатд темдглв гилж келв.

Ўр А. Т. Киселевин кандидатиг дѳнъндж хургт ўг келцхăснь: Приютна района Кировин нертă колхозас—ўкрч Савенко, Троицк МТС-с—кўдлмшч Бадиков, Элстин механизацин школас—сургъульч

Ходжгоров, Элстин тосхлтин 2-ч управленăс—тосхлтин начальник Сергеев, Буратинск совхозас—агроном Герасимов болн нань чигн улс.

Хургт ўг келсн КПСС-н танъгъчин комитетин негдгч сеглăтр ўр Н. И. Жезлов, Хальмг танъгъчин кўч-кўлсчнр СССР-н Деед Советин сунъгъвр болхиг ик ѓргмджтă кевăр тосдж йовна, эврăннь тўрун кандидатнр гидж тедн партин болн правительствин гардачнриг заав гидж келв. Ўр Жезлов цааранднь депутатнрин кандидатнр дунд мана танъгъчин кўч-кўлсч олн-ăмтнă тоомсрта ўрднь бас йовна, теднă негнь ўр А. Т. Киселев гилж заав. Ўр Киселев 4-ч номертă совхозд, 20 гар джилд директор болдж кўдлджанă, эн совхоз ода танъгъчд тўрун нуўрт йовх совхозмудин негнь болджана.

Хург нег дуугъар ўр **Алексей Трофимович Киселевин** кандидатуриг Келн-ăмтнă Советин депутат сунъгъдгъна Элстин 594-ч округар темдглсиг дѳнънхмн, энўнăс зѳвăн ѓгтхă гидж сурхмн гидж токтавр авб.

Дарунь хург Элистинск сунъгъврин округин цуг сунъгъачнрур дуудвр авад, сунъгъврин участкс болгънур итклин улс гидж батлв.